

Maasina - Rewbe Binndi - Wives Scriptures

Efeesunkoobe 5:22-24 Onon rewbe, dowtano-don worbe mon no dowtiranto-don Joomiraado nii. 23 Sabi gorko woni hoore jom suudu mum no Almasiihu woniri hoore deental goondinbe ngal nii, dum woni terde mum de hisini dee. 24 No deental goondinbe ngal dowtiranii Almasiihu nii, hono non debbo fuu haani dowtiranaade jom suudu mum e huunde fuu.

Efeesunkoobe 5:31,33 Binndi dii mbii: "Dum wadi so gorko yoppan inna mum e baam mum, nanngondira e jom suudu mum, be didon fuu be laatoo neddo gooto." 33 Kaa no waawi laataade fuu, gorko fuu yidira jom suudu mum no yidiri hoore mum nii. Debbo duu teddina gorum.

1 Korintunkoobe 7:3-5 Yo gorko hokku genndum hakke mum, debbo duu hokka gorum hakke mum. 4 Debbo jeyaa terde mum, gorum jey de. Gorko duu hono non, jeyaa terde mum, genndum oo jey de. 5 Pati fay gooto e mon salanoo goddo so wanaa tawee e dow kawral mon wakkati keertaado faa kebon no jaagoro-don Laamdo. Kaa caggal dum, keddo-don wuurdude no haaniri nii pati mbaason nantaade so Ibiliisa seytoo on.

1 Korintunkoobe 7:34 Hono non, mo bamaaka, kanum e mboomri, hakkille mum to kulle Joomiraado yahata, yalla terde mum e yonki mum fuu ana cenoo. Kaa bamaado, hakkille mum to kulle aduna yahata, ko welata gorum tewtata.

Koloositankoobe 3:18 Onon rewbe, dowtano-don worbe moodon no rewbe woodanbe Joomiraado poti wadude nii.

1 Timote 2:11-15 Yo debbo nantu hunduko mum, tawree dowtaare timmunde wakkati nde janngintee ndee. 12 Mi jabanaali debbo jannginde naa ardaade gorko. Ko wajibii e mum dee, tiidude e hunduko mum. 13 Sabi Aadama adii Hawwaa tageede. 14 Kasen duu wanaa Aadama Ibiliisa yonji, debbo oo o yonji so luutti yamiroore Laamdo. 15 Kaa dum fuu debbo ana hisinee e beynugol, so ana heddii e goondinal e jilli e senaare e leyfinkinaare.

Puddoode 3:16 - 1 Piyeer 3:1-6 Hono non onon rewbe duu, dowtanee worbe mon. Fay so worbe mon nganaa jokkube konngol Laamdo, golle mon ana waawi waylitinde be, tawee fay haala wadaali hen. 2

Be njiyan no golleeji mon laabiri e no teddinir-don worbe mon. 3 Pati pare moodon laatoo pare jaayirde: moorli, sodaade e boornaade kaddule jaayirde. 4 Tiidee e codaari cuudiindi yalla berde mon ana codoroo sawraare e deeyere, dum woni codaari ndi timmataa. Kayri woni codaari teentiliindi ndi Laamdo yidi. 5 Arannde, non rewbe seniibe parortonoo, fawbe jikke mum'en e Laamdo bee. Been njabani worbe mum'en, 6 hono no Saaratu dowlanirii jom suudu mum Ibarahiima faa ana noddira dum kalfaado nii. Onon duu, so on ngollii golle lobbo tawi kulol fuu imminaali hakkillaaji moodon, on bibbe makko, kanko Saaratu.

Titus 2:1-5 Kaa aan, waaja ko hawrata e waaju celludo oo. 2 Worbe nayeebe, wii be laatoo kaariyante'en, be ne'oo, be nantoo, be laatoo sellube goondinal e jilli e mupal. 3 Rewbe nayeebe duu nguurda e senaare, mbaasa laataade no'oobe yimbe, caloo doro jaaloo dum'en. Be laatoo famminoobe ko moyyi, 4 yalla ebe mbaajoo sukaabe rewbe bee yidude worbe mum'en e sukaabe mum'en. 5 Be mbaajoo been laatoo nantiibe, laabube, hiinniibe cuudi mum'en, moyyube, dowlantoobe worbe mum'en, pati konngol Laamdo ngol bonkee.

1 Korintunkoobe 11:5-7,10 Kaa debbo fuu mo soomaaki so ana duwoo naa so ana haalta konngol ngol Laamdo loowi e mum ngol, hoynii hooreejo mum oo, sabi omo wa'i hono no o labiido nii. 6 Sabi so debbo soomaali hoore mum, yo mesu sukundu mum. Kaa so nii mesude hoore mum naa labude nde ana yaannoo debbo, yo soomu hoore mum. 7 Gorko noo haanaa hippaade kufina, sabi yo mbaadi Laamdo, kanum e darja mum. Kaa debbo yo darja gorko. 10 Saabe dum ana wajibii e debbo soomude e hoore mum taagumansa baawde saabe malaa'ika'en.

Tinndi 12:4; 14:1; 19:13; 21:9,19; 25:24; & 27:15,16 - contentious & angry Rewbe

Tinndi 31:10-31 - The Virtuous Rewbe

Pastor T. John Franklin
Church of Salvation, Healing, and Deliverance
COS-HAD.org